

 Жас  
Түркістан  
ақпан N 2/2003

Қажы ШУКЕН



# ҚАЙРАТ ТАНЫТҚАН ҚАЙРАТКЕРЛЕР

Мәкен УАҚ

АЗАТ ПЕРУАШЕВ

Алматыдан Оралжан Масатбаев телефон шалып, Қайрат Рысқұлбековтың туған құніне орай, оның өзі оқыған Сәulet – Құрылыс Академиясына “Азаматтық” партияның жетекшілері тақта тас орнатқалы жатқандығын хабарлады. Оралжаннан Азат Перуашевтың телефонын анықтап алған соң, оларға қонырау шалдым. Азат жауап бермей, оның көмекшісі Сайлау Құлымбаев деген азаматпен хабарласып, қолға алынып жатқан игі шараларына алғыс айттым.

Салтанатты жиыннан ертерек барып, бастама көтөріп жатқан азаматтармен танысып шығуды жөн көрдік. Осындай мақсатпен Қайраттың қорғаушы ұстазы Сейткерім Қожаназар екеуміз “Азаматтық” партияның Желтоқсан даңғылындағы штаб-пәтеріне бас сұқтық. Сайлау да, Азат Перуашев та бізді жылы қарсы алып, тақта тасты орнатудағы қынышылықтарды, Академия жетекшілерінің

(Соңы. Басы өткен сандарда.

негізгі оқу корпусына ілдірмей, 1-жатақханаға ғана рұқсат еткендіктерін қынжала айтты. Тақта тасқа 200 мың теңгедей шығын кеткенін де ескертті. Біз оларға Қайрат туралы жарық көрген “Ер намысы-Ел намысы” кітабын, төс белгілер тарту еттік. Жазылдып бітіп, баспаға ұсынылған “Қайрат және Желтоқсан көтерілісі” кітабына демеуші болуладына ұсыныс білдірдік.

Қоштасарда Азат Перуашев енді Қайрат туралы, оның өлімі жайлы көп қозғай бермеуді өтінді. Осы игі шара өткен соң, керек болса бәріне нүкте қояйық дегендей емеурін танытты. Салтанатты жиын Сәulet-Құрылыс Академиясының алдында өткеніне қарамастан, халық онша көп жиналмады. Үш әріп өкілдері де бой көрсетті. Сейткерім Қожаназар екеуміз “Азаматтық” радиосының тілшісі Батырхан Дәрімбетпен сөйлесіп түрғанымыздан сескенді ме, бізге сөз кезегі тимеді. Шындығына келгенде тақта тас адам көп жүре бермейтін қалтарыстау жерге орнатылды. Ол жатақхананың өзі біреуге жекеменшікке беріліп, жөндеу жұмыстары жүргі-

зілуде екен. Жиын аяқталар кезде Академия қызметкерлері (Гүлнэр Қалиасқызы, т.б.) Қайратқа арналған Мұражай бөлмесін коруді оның туыстары мен жеттоқсандықтарға ескертіп еді, олар түскі асты сылтаурытып мән берmedі.

Түстен кейін С. Қожаназар, Балта Иса (Бекежановтың ісі бойынша оған жала жабылып, түрмеге түскен. Қ. Рысқұлбеков түскен абақтыда тамақ тасып жүріп, оның қыздарға жазған аманат хатын алған), Қайрат оқыған Шу ауданындағы мектептің ұстазы Ләйлә Сатыбалдиева төртеуміз келіп, кітапханаши Гүлнэр Қалиасқызының жетекшілігімен Мұражайды асықпай арапал көрдік. Салтанатты жиын рәсімін, Қайраттың туыстарының үйіндегі түскі асты, Мұражаймен танысуды бәрін суретке түсіріп, Ләйлә арнайы альбом жасап, Қ.Рысқұлбековтың мектебіндегі Мұражай бөлмесіне сыйлады.

Үкімет басшылары сыйлаған “Мамыр” мөлтек ауданындағы анасы Дәметкенинің 2 бөлмелі үйінде Қали Қамбаров бастаған 3-4 желтоқсандықтармен басқоса құран оқыдық. “Азаматтық” партияның жетекшілері дәм ауыз тиіп асығыс аттанды. Қали өз кезегінде талай лауазымды мекемелердің табалдырығын анасы Дәметкен екеуі қаржылай көмек сұрап тоздырғандарын айтты.

Осындай мақсатпен “Азаматтық” партияның басшыларына барғанда, олар нақтылай ақша бере алмайтындықтарын, бірақ Қайратқа арналған қандай шара бар болса соған ақша аударып, көмектесейік дегендеге, Қ.Рысқұлбеков оқыған Сәүлет-Құрылыс академиясын еске салған. Содан кейін олар тақта тас орнатуға жөн көрген...

Ал, біз, Қайрат қорының жетекшілері болсақ, бірнеше жылдан бері сол Академияға Халық қаһарманының есімін бергізіп, алдына ескерткіш орнатуды, Мұражай ашуды көтеріп келе жатқан едік. Құдайға шүкір, Мұражай бөлмесі ашылды. Қали Қамбаровтың айтуы бойынша, облыс басшыларымен, тағы көптеген лауазым иелерімен кездесіпті. Олардың көпшілігі Желтоқсан көтерлісінің 15 жылдық мерекесін өткізген соң осы оқығаларға байланысты көтеріліп жатқан зерттеу жұмыстарын тоқтатып, әңгімені мұлдем қоюды ескерткенін білдірді. Өзі де осының құптастының сездірген сыйдай танытты...

Азат Перуашев бастаған партия, алдында Республикадагы аналарды, кейіннен жауынгерлерді, тағы-тағыларды қолдап, құттықтап көзге түсіп, халықты өздеріне көптер тарту қамдарымен әрекеттенуде. Азат пен Сайлау сонда Сейткерім Қожаназар екеумізге, біз тек партия мүшелерінің

жарнасымен ғана жұмыс істеудеміз деген еді. Мынадай қыншылық заманда тек партия мүшелерінен жиналған жарнамен жоғарыдағыдай ауқымды шараптар атқаруға болатынына қазірде жас баланың өзі сене қояр ма екен!?

Оның үстіне “Азаматтық” партия өкілдері президентімізге шаң жуытпай, оны өліп-өшіп қорғап, Н.Назарбаевтың үстанған саясаты мен бағытын әділ сынаған оппозиция қайраткерлерімен бірге шет елдерге де иық тіресе, қабаттаса барып жүрген жоқ па!?

Осылардың барлығына қаржы қайдан табылады! Менімше, Т.Тілеулесовтың “Шымкентская мафия” кітабында келтірілген: Машкевич – Ибрагимовтардың “Азаматтық” партияға қолдау көрсетіп отырғаны бекерден-бекер емес екендігі айдан-анық.

## ТҮҢҒЫШБЕК СЕЙСЕНҰЛЫ

1963 жылы ауыр науқастан анам Жамал Төлепбекқызы 36 жасында қайтыс болған соң әкем мен нағашы әжем Файшага біздің от басымыздағы үбірлішүбірлі 7 үл-қызды асырау онайға түспеген еді. Кенже қарындасты – Әшіркул бір жасқа да толмаған. Сол жеңеудің үлкені әрі түңғышы болғандықтан жазғы десмалыс мезгілдерінде балғын жастығыма қарамастан

еңбекке ерте араласып, қыркүйекке дейін әжептеуір қаражат тауып, қарындастарымың мектепке қысылмай баруларына көмектесстімін. Туған ауылым Бейдібекте /бұрынғы Киров/ сегіз жылдық мектепті үздік бітіргеніммен, 9-сынынты қөршілес Балуан-Шолак аулындағы 11 жылдық мектепте жалғастырмакшы болғаныммен, сабактарға түгел қатынасшай, тіптен сол ауылға барғым келмей, оқуымды нанарлатып алдым. Корни ауылда жарытын оқымайтынымды сезген әкем – Жұмәділ Отарбайұлы келесі жылды Шу ауданының орталығы Төле бидегі /бұрынғы Новотроицк/ қазақ-орта мектебінің жаңындағы интернат-нансионатқа орналастырды.

Қазірде мектептің кейгимараттары түрганымен, интернаттың үйлері бір кірінің де қалмай, түгелдей бұзылғын кетті. Бұл интернатта кобіне ауыл-ауылдан келген балалар жатып оқитын. Оларға үш-төрт мезгіл ыстық ас беріп қана қоймай, басым көпшілігі жетім болғандықтан, жаздық, қыстық киім-кешектермен де көмектесетін. Қыргызстанмен шекаралас шалғайлау орналасқан біраға Ақсу/бұрынғы Калинин/ аулынан 20 шақты бала бізben бірге білім алып төрбисленді. Олардың қатарында 30 жылдан астам үстаз болып еңбектенген

Төреқұл Әлханұлы, түрлі кесіп иелері – Дүйсенәлі Кәрібаев, Әділхан Байсымақов, Бекен Сайлиев, Аман Тілеубердиев, Еркін Ақжігітов, Нұрғазы Төлендиев т. б. бар.

Ал аудан орталығына жақын орналасқан Жамбыл аулының түлегі Тұнғышбек Сейсенұлы болса, үлгілі тәртібімен, үздік оқуымен көзге түсетін, ұстаздары мен тәрбиешілері де құрметтейтін Тұқан мектеп қабырғасында жүргендеге-ак спортын етene жақын еді. Құнде ертеңмен дene шынықтырумен айналысып, бізді де жанынан қалдырмай, бокс үйірмелеріне ертіп барып, ден-саулығымызды шындауға қамқорлық танытатын. Мектеп бітіргеннен кейін де осындай қасиеттерін ұстастырып, Кенес Әскері қатарында ойдағыдай қызмет атқарып, офицер атағын алып қана қоймай, самбо құресінен спорт шеберлігіне кандидаттық нормасын да орындағандығын жақын жолдастардан естідім.

1966 жылы мектеп бітіріп, аяулы білім ордасымен қоштасқаннан кейін көпке дейін Тұнғышбекпен жолығудың сәті түспеді. Тек он шақты жылдардан соң екеуміз кездейсоқ жолығып қалғанымызда ол Алматыдағы Қазақтың мемлекеттік университетінің тарих факультетін өте жақсы бітіргеннен соң Қордай ауданының мектептерінде

енбек етіп жүргенін айтқан еді...

1996 жылы күзге қарай Шу қаласының орталық базарында интернатта бірге оқыған ақсулық ұстаз Рақыш Мәлімбеков /кейінірек ауыр науқастан қайтыс болды/ кездесіп қалып, Тұнғышбек Сейсенұлының Шу аудандық білім басқармасының бастығы болып тағайындалғанын ерен қуанышпен естіртті. Қөп ұзамай, Тұқана сәлемдесе жолығып, жаңа қызметімен құттықтадым. Ол кезде көршілес – Мойынқұм ауданының Бірлік аулында тұратынмын. Атқарып жүрген қоғамдық жұмыстарымды жете түсіне білген Тұнғышбек келесі жылы қызмет бабымен аудандағы мектептерді менімен бірге аралай жүре, Алматыдағы “Жалын” баспасынан жарық көрген “Желтоқсан құрбандарын жоқтау” кітаптарын ұстаздарға таратып, таныстыруға тікелей көмектесті.

1998 жылдың жазында Шу ауданының орталығы Төле би аулына қоныс аударып, от басыммен көшіп келдім. Өйткені Халық қаһарманы – Қайрат Рысқұлбеков 1973-81 жылдары осы Төле би ауылындағы С.Шәкіров атандағы мектеп-интернатта оқыған еді. Ашығын айтқанда Шу ауданының әкімсұмақтары жас боздақтың рухын құрметтеу шараларына мән бермей, немкүрайлы салғырттықпен, көңіл бөл-

мегендіктен Қайраттың балғын балалық шағы өткен Төле би аулында көзге ілініп аларлықтай ешқандай жұмыс істелінбеді. Тек, шеткери-елеусіздеу Почтовая көшесіне ғана Қ. Рысқұлбековтың есімі берілген-ді. Онда да 1991 жылдың қарашасында Қайраттың әкесі – (марқұм) Ноғайбай Рысқұлбековпен Көктеректен арнайы келіп, С.Шәкіров атындағы мектепте көпшілікпен кездесу өткізіп, келесі жылдың басында Төле би аулының сол кездегі әкімі Асқар Сандыбаевқа келіп жолықканымнан соң ғана сен қозғалғандай болып еді...

Көшіп келе салысымен, аудандық дәрежеде шахмат жарысын үйімдастыруға мұрындық болып, “Шу өңірі” газетіне Қайрат Рысқұлбеков жайлы мақала бердім...

1997 жылдың тамызында сол кездегі Жамбыл облысының әкімі А. Тшановтың жақын адамының бірі аудандық білім басқармасының бастығы орындығына жайғасып, жапжақсы жұмыс атқарып жүрген Тұнғышбекті төменгі сатыға ығыстырды. Соған қарамастан Тұқан “жогарыдан келген мырзага” жан-тәнімен көмектесіп жүргенін өзім талай мәрте байқадым да. Ал Амалбек Қозыбақұлының адамы “амалмен” келген екен. Шудағы лауазымды секірме құралына (трамплинге) айналдырып, об-

лыстық білім басқармасының бастығы болып секірді де кетті. Бірақ келесі жылы А.Қ.Тшанов абыройсыз күйде “отставкаға” кетісімен, көп ұзамай “амалшының да амалы таусылып” қызметінен босап қалды...

Осындай жүгендіктеге қарамастан Тұнғышбек Сейсенұлы қызметін жағастыра берді. 1998 жылдың наурызында Бірлік теміржол бекетінің Хайдар Дулати атындағы мектеп деректірлігіне тағайындалды. Шындығына жүгінсек, бұл мектепте оқушылардың жартысынан астамы жергілікті ұлт өкілдері болғанымен орыс сыйнштары басым еді. Ал қазақ сыйнштары тек бастауыш көлемінде ғана көрініп келеді. Соңдықтан да Тұнғышбек бірінші кезекте орта және жоғарғы буындарда қазақ сыйнштарын ашууды жетелдете қолға алды. Әрине, айтуға жеңіл болғанымен, оны жүзеге асыру өте қыын екендігін жете түсіне білген деректір бұл бағытта ең алдымен ата-аналармен қажымай – талмай түсінік жұмыстарын жүргізді. Осы мақсатта әр түрлі деңгейде бас қосу, жиындар мен кештер үйімдастырып, мемлекеттік тілімізді еліміздің әрбір азаматы жете білуі міндетті екендігіне көшпіліктің көзін жеткізе алды.

Ең алғашында мектеп табалдырығын аттарларында балалардың қазақ сыйнштарына қабылдануларына

ерекше көңіл белінді. Әр жылы бір орыс сыйнбы және екі қазақ сыйнбы ашылып, ата-аналардың келісімімен сыйнш-жабдықтары (комплектілер) бөлініп отыр. Осындай игі істердің нәтижесінде 720-дай шәкірт білім алдып, 55 ұстаз еңбек етіп жүрген Х. Дулати атындағы мектепте жылдан жылға қазақ тілінде оқитын сыйнштар көбейіп келеді.

Тұнғышбек Сейсенұлы ең алдымен мектеп үжымындағы орыс тілді мамандардың саны 60 пайыздан асып тұрғандығын басты назарда ұстап, әдістемелік бөлмедегі арнаулы тақтада құнделікті үйренетін сөздер жазылып, әр аптада бүгінге дейін мұғалімдердің мемлекеттік тілде синақ – емтихан тапсырып отыруларын тікелей өзі қадағалауда...

Улағатты-ұлтжандылықты паш еткен бір ғана осы қадам көптеген азаттардың, тіpten, менмін деген кейбір қайраткерлердің де қолдарынан келеді деп айта алмаймын. 1993 жылы, 27 мамырда Бірлік ауылына табан тіреген Мұхтар Шаханов ағамыз Балтабек Таубалдиев деген кісінің үйіндегі дастархан басындағы әңгімесұхбатында: “Менің кезкелген аудан тұрмақ, бір ауылды басқаруға шамам да, өрем де жетпейді” деп, ашық айтқан еді. Өкінішке орай, Мұханың ақ жүректігімен мойындаған өз қабілетін бүгінде көптеген ат-

қамінерлер: жоғарғы-төмен деңгейдегі әкімдер мен лауазымды мырзалар, тіpten Үкімет құрамындағы бірқатар басшылар қаперлеріне де алып жүрген жоқ...

Озінің көп жылғы ұстаздық еңбектерінен тағылымды қорытынды қорытқан Тұнғышбек мойынкүмдік Дүйсекеш Рахымбердіұлының ат салысуымен “Халық педагогикасын оқутәрбие жұмысында пайдаланудың кейбір мәселелері” атты кітабын, “Қазақ тәрбие” атты монографиясын жарыққа шығарды. Кітаптар Мойынкүм, Шу аудандарының ұстаздарына кеңінен таратылып, көшпіліктің қолдауына ие болып, қосымша оку құралына айналды...

Тұқанұды жете тану үшін қызметтес әріптестерінің де лебізіне көз жүгіртсек:

Деректірдің оқу-тәрбие жөніндегі орынбасары Гүлжанат Айдарханқызы: – “4-5 жылдай бұрын мектебіміздің жағдайы өте нашар халде болатын, қазандық істен шығып, дәлізге 2 пеш қойылған еді. Бұл пештерден шыққан қара тұтіннен оқушыларды 45 минут оқытуудың орнына тек 15-20 минуттан ғана оқыта алдық. Бұдан қандай білім болмақ?!

1998 жылдың наурызында Тұнғышбек Сейсенұлы деректір болып келісімен мектептің жағдайы күрт жақсара бастады. Қазандық күрделі жөн-

деуден өтіп, іске қосылды. Соның арқасында бүгінде білім ордасының қай болмесі болмасын, қыс күндері өте жылы, шәкірттер де, ұстаздар да алаңсыз күнделікті оқуаларын үзбей жалғастыруда. Сейтіп біртебірте мектеп мұғалімдерінің дұрыс жұмыс істеулеріне жан-жақты жағдайлар жасалынып, барлық кедергілер жойылды деуге де болады. Дәліздер де, оқу бөлмелері де қазіргі өмірдің талғамына сай жабдықталып, безендірілді. Ал мектеп алаңы жайқалған гүлзарға айналды.

Оқушылардың білім сапасы артып, озат шәкірттеріміз аудандық, облыстық олимпиадаларға қатынасып жүлделі орындарды жеңіп алуда. Мұғалімдердің де біліктілігі мен іскерлігі артты. Ашығын айтсақ, мектебіміздің аудандағы алдыңғы қатарлы мектептердің бірі болып саналуы Тұңғышбек Сейсенұлының қажымайталмай еңбектенуінің, іскерлігінің нәтижесі.

—Кезінде Үкімет басшыларының жүргізген солақай саясатының кесірінен өзім туып-өсken кішігірім қалашық іспеттес Бірліктің де берекесі кетіп, емханасы, дүкендері мен асханалары, тіптен кіші мектебіміз де қирап, дүние-мұліктегі жемқорлардың жемсауына кетті. Оларға “қой дейтін қожа, әй дейтін әже де” болмады. Осындай ала-патты-зұлмат сонау Ұлы Отан соғысынан бұрын

салынған мектепке де жылан бауырлап жақындаған еді. Қазандық іstemей, қабыргалары құлауға жақындал, шипірлері үрланаңып, төбеден су сорғалап, тоз-тозы шыға бастағанды... Қалың көпшіліктің тілеуі ме, әлде болашағы бұлынғыр тұманға айналған балалардың көз жасы Құдайдың көзіне шалынды ма, Тұңғышбек Сейсенұлы басшы болып келісімен мектебімізге біртебірте жан кіре, тіршілік нышаны байқалып, ата-аналар қуанышқа бөлendі.

Өз ісінің білікті маманы, үй мдастырушылық қабілеті жоғары Тұңғышбек ақша жоқ, ана жоқ, мына жоқ демей Бірліктегі ПМС-14 ұжымының басшысы Асқар Кеккөзов, “Кызыл бидай” АҚ-ның жетекшісі Мейірман Мұстайұлымен тіл табыса, қамқорлы көмектерімен білім ордасын құрделі жөндеуден өткізе, адам танымастай өзгерту...

Еліміздегі, төмennен бастап, жоғарғы лауазымды барлық деңгейдегі басшыларымыз өз қызметтерін Тұңғышбек Сейсенұлында аса жауапкершілікпен, адал да ақ ниетпен атқарғанда, өткен он жылдың ішінде экономикасы қарыштап дамыған өркениетті мемлекетке әлдеқашан айналған болар едік қой, — деп ән-күй пәннің мұғалімі Серікбай Мұстафаұлы өз ойын ашық айтты.

Жоғарғыдай ауқымды шаралармен күндіз-тұні айналысып жүрген Тұңғышбек Сейсенұлы осы мақаланың басында айтып кеткеніміздей Халық қарманы – Қайрат Рысқұлбековтың рухын құрметтеуге байланысты түрлі дәрежедегі басқосуларға да қол ұшын беріп келеді. Сондай-ақ ардақты да асыл ағамыз Мұстафа Шоқай негізін қалап кеткен “Жас Түркістан” журналын халыққа, қалың жүртшылыққа таныстыруды да уақыт тауып, белсенді көмегін ұсынуда. Тұңғышбек Сейсенұлы осы журналдың алқа мүшесі әрі Жамбыл облысы бойынша өкілі.

Құдай қосқан қосағы Ләzzат Бодайқызы да өзі қызмет етіп жүрген Хайдар Дулати атындағы мектебінде тарих пәнінен сабак береді. Үлгілі от басында тәрбиленіп бойжеткен тұңғыштары М. Әуезов атындағы мектепте ұстаз, оның жолдасы Жасұлан Әлкенұлы сол мектептің оқу ісінің менгерушісі. Екінші қыздары аудандық мәслихаттың қызметкері. Тұңғышбек пен Ләzzаттың Динара мен Аружандай немерелері қырдың қызғалдағындағы құлпыра өсіп келеді...